



## **Aningaasaqarnermut Naligiissitaanermullu Naalakkersuisoq**

**Ulloq:** 26. september 2022  
**J.nr.:** 01.31.06/20-00994

### **Aningaasaqarnermut Akileraartarnermullu Ataatsimiititaliap ataasinngornermi ulloq 19. september 2022-mi aalajangiineranik Naalakkersuisunut ilisimatitsineq.**

#### **Aalisarneq pillugu Ataatsimiititaliarsuup suliaata malitseqartinneqarnissaanut sillimatinik atugassanngortitsinissaq. Ataatsimiititaliap suliaa nr. 01.31.06/22-00994.**

“Naalakkersuisunit **inassutigineqarpoq,**

- Aalisarnermut Piniarnermullu Naalakkersuisoqarfimmi konto pingaarnermut 50.01.01-imut aningaasaliissutit 2022-mi 1.000.000 kr.-nik amerlineqassasut kiisalu
- Suliniutinut nutaanut sillimatinik konto pingaarnermut 20.11.70-imut aningaasaliissutit 2022-mi 1.000.000 kr.-nik ikilineqassasut.”

#### **Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:**

Qinnuteqaatip tigonera ataatsimiititaliamit qujassutigineqarpoq. Ataatsimiititaliaq suliamut apeqqutissaqarpoq aalajangiinissamilu Naalakkersuisullu akissutaasa tigureqareernissaata tungaannut kinguartinnissaa toqqarlugu.

#### **Apeqquut: 1**

Aningaasaliissuteqarnissamik qinnuteqaatip matuma atugassiissutigineqarnissaanut tunngatillugu ingerlatassat suut Naalakkersuisunit pilersaarutigineqarnersut erseqqinnerusumik itisilerneqassasoq ataatsimiititaliamit kissaatigineqarpoq. Qinnuteqaat una qanoq siunertaqarlunilu angusaqarfiusussatut Naalakkersuisunit naatsorsuutigineqarnersaq ataatsimiititaliamit paasineqarsinnaasimangilaq. Pissutsit taakku aningaasanut inatsimmi konto pingaarnermi 20.11.70-imi, missingersuutinut ilanngussami ilanngunneqartumi kiisalu Naalakkersuisut isummernissaannut tunngavissiami paasinarsinneqarsimangillat.

- a) Inuttaasunik ataatsimiititsinerit isumasioqatigiinnerillu suut manna tikillugu ingerlanneqarsimappat?
- b) Isumasioqatigiinnernik innuttaasunillu ataatsimiititsinernik allanik ingerlatsisoqassava, taakkulu qanoq angusaqarfiusussatut naatsorsuutigineqarpat?
- c) Isumasioqatigiissitsinerit innuttaasunillu ataatsimiititsinerit sorpiaat ingerlanneqassappat sumilu ingerlanneqassappat?

**Aningaasaqarnermut Akileraartarnermullu Ataatsimiititaliap aalajangiinera**  
Siuliani allassimasutut oqaaseqaateqarluni suliap aalajangiiffiginissaa Aningaasaqarnermut  
Akileraartarnermullu Ataatsimiititaliamit **kinguartinneqarpoq.**

Inussiarnersumik inuulluaqqusillunga

Hans Peter Poulsen  
Aningaasaqarnermut Akileraartarnermullu Ataatsimiititaliap siulittaasua